
STATUTI I

I

SHOQERISE "Futura Consulting" SH.P.K.

KAPITULLI I

EMERTIMI - FORMIMI - SELIA - KOHEZGJATJA - OBJEKTI - ORTAKET

Neni 1 – EMERTIMI

Emri i shoqerise eshte "Futura Consulting", i ndjekur nga shtojca "SH.P.K", qe perfaqeson formen juridike te saj, te ciles ketej e tutje do i referohemi shkurtimisht si "Shoqeria".

Neni 2 - FORMA

Shoqeria me pergjegjesi te kufizuar regjistrohet ne baze te Ligjit nr. 9723, datë 3.5.2007 "Për Qendrën Kombëtare të Rregjistrimit", dhe ushtron veprimtarine e saj ne baze te Ligjit nr. 9901, datë 14.04.2008 "Për Tregtarët dhe Shoqëritë Tregtare". Shoqeria e ushtron aktivitetin e saj ne perputhje me legjislacionin Shqiptar dhe me dispozitat e parashikuara ne dokumentat themeluese (akt themelimi dhe statut).

NENI 3 – SELIA

Zyra qendrore e Shoqerise eshte ne **Rrugen e Durresit, P.11, Sh.2 Ap.16. Tirane** Shoqeria, me vendim te Asamblese mund te zhvendose zyren e saj qendrore ose te krijojë nje seli operative ne nje vendndodhje tjeter ne Republikën e Shqiperise. Shoqeria mund te hape dege dhe zyra perfaqesimi brenda apo jashte Republikës se Shqiperise, me miratim paraprak me ane te vendimit te Keshillit te Administrimit, si dhe ne perputhje me legjislacionin ne fuqi.

NENI 4 - KOHEZGJATJA

Kohezgjatja e Shoqerise eshte per nje periudhe te pacaktuar.



NENI 5 - OBJEKTI

5.1 Shoqeria do te ushtroje kryesisht aktivitetin e meposhtem:

- *Ofrimi i keshillave juridike, ekonomike, financiare per kliente brenda dhe jashte vendit dhe ndihmes per individet, bizneset, organizatat dhe shoqatat te te gjitha llojeve qe lidhen me ushtrimin e aktiviteteve te tyre dhe ne veçanti banka, financa dhe sigurimit;*
- *Sigurimi i konsulences juridike dhe te sherbimeve te asistences teknike dhe financiare, menaxhimin per kompanite private dhe firmat vendase apo te huaja;*
- *Marketing dhe ndermjetesim tregetar ne forma te ndryshme duke perfshire edhe ato elektronike dhe aktivieve te veta me qera;*
- *Projektimi, realizimi dhe drejtimi i qendrave teknikisht te organizuara per aktivitetin e "Call center" e "Contact center", aktivitet i cili do te ushtrohet nepermjet cildo menyre komunikimi dhe kanali komunikimi, perfshire ketu edhe aktivitetin e asistences tregtare dhe teknike te kujdesit ndaj klientit, marketing te drejtperdrejte, promovim per shitjet, intervista telefonike per ente, instucione, shoqata subjekte publike dhe private, te huaja apo vendase;*
- *Konsulence, shoqerim, kontroll, perditesim ne fushen e projektimit, realizimit dhe drejtmitt te "Call Center" dhe "Contact Center";*
- *Projektimi, prodhimi, grumbullimi, zhvillimi, instalimi, dhenia me qera dhe tregetimi me pakice e shumice ne forme te drejtperdrejte ose me software te te gjitha produkteve qe lidhen me telekomunikacionin;*
- *Ofrimin e sherbimeve te perpunimit te te dhenave, konsulences dhe zgjerimin e projekteve te sistemit te informacionit te te gjitha llojeve, menaxhimi i sherbimeve ne lidhje me llogaritjen dhe ruajtjen e te dhenave ne cdo lloj forme.*
- *Promovimi, organizimi dhe menaxhimi i kurseve te trajnimit dhe te zhvllimit profesional;*

5.2 Gjithashtu Shoqeria mund te marre pjese ne siper marrje te tjera, te bashkepunoje ose te krijojte shoqeri te perbashketa me shoqeri te tjera per te operuar ne kete fushe, te bleje shoqeri, te krijojte dege brenda dhe jashte vendi, si dhe te ushtroje cdo aktivitet tjeter tregtar per sa kohe qe nuk bie ne kundërshtim me ligjin Shqiptar.

NENI 6 - ORTAKET

6.1 Ortakët e Shoqerise jane:

- **Znj. Enkela Hoxha**, e datelindjes: 05.11.1987 lindur ne Tirane, me numer karte identiteti I76105036J, banues ne Tirane, Rr. e Durresit, P.11, Shk. 2, Ap. 16.

 2

Ortakët do të kontribuojnë në kapitalin e Shoqërisë dhe si rezultat do të zotërojnë aksione dhe ushtrojnë kontroll në Shoqëri në raportet e përcaktuara në nenin 6 më poshtë.

KAPITULLI II

KAPITALI DHE KUOTAT

NENI 7 – KAPITALI

Kapitali themeltar i Shoqërisë është 10.000 (dhjetë mijë) lekë i formuar nga ortaku themelues me 1 pjesë, me vlerë nominale 10'000 leke.

NENI - 8

Kuotat dhe pjesëmarrja në kapitalin themeltar të shoqërisë janë:

- 100 % (njëqind përqind) në pronësi të Ortakut Znj. Enkela Hoxha

NENI - 9

Ortaku mund të vendosin të rrisin kapitalin e shoqërisë në përputhje me dispozitat ligjore në fuqi dhe me vendim të ortakeve. Detyrimet e ortakut kundrejt shoqërisë do të mbulohen vetëm me pjesën e kapitalit të paguar prej tij. Ortaku nuk do të ketë asnjë përgjegjësi tjetër për detyrime të tjera të shoqërisë.

NENI - 10

Shoqëria "Futura Consulting" SHPK për detyrimet që do të lindin gjatë aktivitetit të saj me të tretet, përgjigjet vetëm me pasurinë e saj. Ortakët e kësaj shoqërie nuk përgjigjen për detyrimet e kësaj shoqërie me pasurinë e tyre që nuk është futur në kapitalin e kësaj shoqërie.

Pjesëmarrja në këtë shoqëri nuk i pengon ortakët të kenë pavarësi ligjore, organizative dhe të drejta pronësie jashtë kësaj shoqërie.

Neni 11 - KALIMI I KUOTAVE

Pjesët shoqërore të ortakeve përputhen me pjesën e tij në kapitalin e shoqërisë. Kuotat e kapitalit të shoqërisë si dhe të drejtat që rrjedhin prej tyre mund të fitohen apo të kalohen nepermjet :



3

-
- a) kontributit ne kapitalin e shoqerise
 - b) shitblerjes se kuotave
 - c) trashegimise
 - d) dhurimit
 - e) cdo menyre tjeter te parashikuar ne ligj.

Pjesët e tij, anëtari i shoqërisë mund t'ua ofrojë të tretëve, te cilet nuk jane anetare ne shoqeri. Ne rast se ortaku i cili ka vendosur te transferoje apo shese kuotat e tij, duhet ti drejtoje një kërkesë me shkrim Organit Administrativ duke saktësuar cmimin e shitjes, i cili duhet të jetë i arsyeshëm dhe të jetë i njëjtë me atë që do t'i ofrohet dhe një personi të tretë jashtë shoqërisë si dhe të dhënat e blerësit.

Personi qe kalon kuoten dhe ai qe fiton ate pergjigjet ne menyre solidare ndaj shoqerise per detyrimet qe rrjedhin nga zoterimi i kuotes nga casti i kalimit te kuotave deri ne castin e regjistrimit te kalimit.

Shoqeria regjistron kalimin e kuotave sipas nenit 43 te ligjit nr. 9723 date 03.05.2007. Regjistrimi i kalimit te kuotave ka efekt deklarativ.

KAPITULLI III ASAMBLEJA


NENI - 11

11.1 Asambleja e përgjithshme është përgjegjëse për marrjen e vendimeve për shoqërinë për çështjet e mëposhtme:

- a) përcaktimin e politikave tregtare të shoqërisë;
- b) ndryshimet e statutit;
- c) emërimin e shkarkimin e administratorëve;
- ç) emërimin e shkarkimin i likuiduesve dhe të ekspertëve kontabël të autorizuar;
- d) përcaktimin e shpërblimeve për personat e përmendur në shkronjat "c" dhe "ç" të kësaj pike;
- dh) mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë së veprimtarisë;
- e) miratimin e pasqyrave financiare vjetore dhe të raporteve të ecurisë së veprimtarisë;
- ë) zmadhimin dhe zvogëlimin e kapitalit;
- f) pjesëtimin e kuotave dhe anulimin e tyre;
- g) përfaqësimin e shoqërisë në gjykatë dhe në procedimet e tjera ndaj administratorëve;
- gj) riorganizimin dhe prishjen e shoqërisë;
- h) miratimin e rregullave procedurale të mbledhjeve të asamblesë;
- i) çështje të tjera të parashikuara nga ligji apo statuti.

2. Asambleja e përgjithshme merr vendime për çështjet e përcaktuara në shkronjat "e" dhe "ë" të pikës 1 të këtij neni, pas marrjes dhe shqyrtimit të dokumenteve përkatës.

11.2 Drejtimi i asamblese, sipas sistemit te administrimit i takon administratorit te shoqerise.



4

NENI - 12

Asambleja e përgjithshme mbledhet në rastet e përcaktuara nga ky ligj, nga ligje të tjera ose nga dispozitat e statutit dhe sa herë që mbledhja është e nevojshme për të mbrojtur interesat e shoqërisë. Mbledhja e zakonshme e asamblesë së përgjithshme thirret të paktën një herë në vit.

NENI - 13

Asambleja e përgjithshme thirret nëpërmjet një njoftimi me shkresë ose, nëse parashikohet nga statuti, me njoftim nëpërmjet postës elektronike. Njoftimi duhet t'u dërgohet të gjithë ortakëve, jo më vonë se 7 ditë përpara datës së parashikuar për mbledhjen e asamblesë.

Organi administrativ është i detyruar të therrase pa vonese asamblene e ortakëve, sa here që aq ortakë që përfaqësojnë të paktën 5% të kapitalit themeltar e kërkojnë, ose sa here që vete organi administrativ e cileson të nevojshme.

NENI - 14

Ortaku mund të përfaqësohet në asamblenë e përgjithshme, në bazë të një autorizimi nga një ortak tjetër apo nga një person i tretë.

Autorizimi mund të jepet vetëm për një mbledhje të asamblesë së përgjithshme, e cila përfshin edhe mbledhjet vijuese me të njëjtin rend dite.

NENI - 15

15.1 Në rastin e marrjes së vendimeve, që kërkojnë një shumicë të zakonshme, asambleja e përgjithshme mund të marrë vendime të vlefshme vetëm nëse marrin pjesë ortakët me të drejtë vote, që zotërojnë më shumë se 70 për qind të kuotave.

15.2 Me përjashtim të rasteve kur statuti parashikon një shumicë më të lartë, asambleja e përgjithshme vendos me tri të katërtat e votave të ortakëve pjesëmarrës.

15.3 Me përjashtim të rasteve kur parashikohet ndryshe në këtë statut, për çështjet e tjera asambleja e përgjithshme vendos me shumicën e votave të ortakëve pjesëmarrës.


KAPITULLI IV

ADMINISTRIMI

NENI - 16

Administrator i vetem i Shoqërisë do të jetë znj. Enkea Hoxha, shtetase shqiptare, e datëlindjes 05.11.1987, identifikuar me ID I76105036J, me afat 5-vjeçar.

Nenshkrimi i administratorit do të konfirmohet nga vula e shoqërisë e cila do të përmbajë inicialet e shoqërisë.



Ne te ardhmen shoqeria mund te administrohet sipas vendimit te asamblese se ortakeve, nga dy administratore qe veprojne bashkarisht ose me vete.

NENI - 17

Administratorët kanë të drejtë e detyrohen të:

a) kryejnë të gjitha veprimet e administrimit të veprimtarisë tregtare të shoqërisë, duke zbatuar politikat tregtare, të vendosura nga asambleja e përgjithshme, pervec tjetersimit te pronave te paluatshme te shoqerise;

b) përfaqësojnë shoqërinë tregtare ne te gjitha raportet me te tretet;

c) kujdesen për mbajtjen e saktë e të rregullt të dokumenteve dhe të librave kontabël të shoqërisë;

ç) përgatisin dhe nënshkruajnë bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimeve, i paraqesin këto dokumente përpara asamblesë së përgjithshme për miratim;

d) krijojnë një sistem paralajmërimi në kohën e duhur për rrethanat, që kërcënojnë mbarëvajtjen e veprimtarisë dhe ekzistencën e shoqërisë;

dh) kryejnë regjistrimet dhe dërgojnë të dhënat e detyrueshme të shoqërisë, siç parashikohet në ligjin për Qendrën Kombëtare të Regjistrimit;

e) raportojnë përpara asamblesë së përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare;

ë) kryejnë detyra të tjera të përcaktuara në ligj dhe në statut.

Asambleja e përgjithshme mund të shkarkojë administratorin në çdo kohë me shumicë të cilesuar te ortakeve te cilet te zoterojne shumicen e kuotave.

KAPITULLI V

BILANCI DHE TE ARDHURAT

NENI – 18

Veprimtarite ekonomike te shoqerise mbyllen ne 31 Dhjetor te çdo viti.

Ne fund te afatit te çdo veprimtarie ekonomike organi administrativ, brenda tre muajve duhet te procedoje ne pergatitjet e bilancit te shoqerise.

KAPITULLI VI

SHUARJA DHE LIKUJDIMI I SHOQERISE

NENI – 19

Raste te prishjes se shoqerise jane:

a) Kalimi i afatit.

-
- b) Pamundesia per ta arritur qellimin.
 - c) Pamundesia e funksionimit ose vazhdimi inaktiv i asamblese;
 - d) Rastet e tjera te parashikuara ne ligj qe kane te bejne me ndryshimin e shoqerise ne nje forme tjeter per shkak te zvogelimit te kapitalit ne nje vlere me te vogel se ajo e percaktuar si vlere minimale per kapitalet e shoqerive me pergjegjesi te kufizuar, ose qe kane te bejne me zgjidhjen e parakohshme per shkak te humbjes se gjysmes se kapitalit themeltar.

NENI – 20

Vendosja ne likuidim e shoqerise percaktohet nga mbledhja e asamblese se ortakeve, e cila kontrollon dhe miraton perfundimisht procedurat e likuidimit dhe mbylljen e shoqerise. Me emerimin e likuidatorit ose te likuidatoreve pushojne funksionet e organit administrativ. Likuiduesi ose likuiduesit, emerohen me vendim me shumice te thjeshte te asamblese se ortakeve.

KAPITULLI VII DISPOZITA TE TJERA

NENI – 21

Te gjitha mosmarrveshjet qe mund te lindin gjete ushtimit te aktivitetit te shoqerise do te zgjidhen me mirekuptim, ne te kunderten kompetent eshte Gjykata e Rrethit Gjyqesor Tirane.

Regullator gjithashtu do jete ligji perkates per shoqerite tregtare.

NENI – 22

Per ato qe nuk jane shprehur ne kete statut do te behet referim me dispozitat e ligjit ne fuqi.

Ky statut eshte hartuar ne 3 (tre) kopje origjinale.

ORTAKU THEMELUES
Enkela Hoxha



17/07/2018